



Selasa 30 Maret 2021
Ogen: Matius 11: 28-30



Mari Dahilah Tuhan



Pendilo Tuhan ngajuk kita gelah reh ndahi IA, tapi megati Enggo pe idilo la kita nggit reh, lawes ku bas dalam sideban, si tulak pendilo Tuhan. Bagi ndenden "mari dahi IA kam si latih ras beraten adi ras Jesus bene me kiniseran." Mawen i bas kiniseran e pe la kita nggit reh ndahi Jesus, si ndarami dalam sideban si iakap kita mereken keriahen ras serpang pulah. Adi reh ku Tuhan pasti lit keriahen kemalemen ate, emaka buka pusuh perukurenta gelah ngikutken pendilonNa.

Jesus ersumekah man banta niNa 'tamakenlah pasanganKu ku kudukndu janah erlajarlah i bas Aku nari sabab Aku melias janah meteruk ukurKu alu bage idatndu me kemalemen ate.' Kata enda ngajuk kita gelah banci erpenamelem man Tuhan i bas kerina perbeben geluhita, la sidarami dalam sideban, kuasa sideban si erbahansa kegeluhenta reh murdena. Bahanlah maka perbeben masalah si man alankenta dalanta reh ndahi Jesus. Rikutken pengalamen kami mendampingi i bas Crisis Centre, teridah maka lit moria GBKP ndahi Tuhan arah pelayanen Pendeta e dalam perpudi entah e nomor terakhir, idaramina lebe dalam guna ndungi perbeben, masalah, pinakit si nderpa kegeluhenna arah kuasa perdukunen, alu pembelaan diri labo kap kita tek man bana, tambarna e nge kita perlu. Sienda me si megati jadi i bas kegeluhenta. Enggo kari puas ertambar ku erbage-bage ingan ras kalak si beluh nambarisa, adi la datna serpang pulah emaka reh ia ku Pendeta gelah itotoken. Ikataken Jesus man banta kerina maka pasangan si kubereken man bandu entabeh mabasa, dengen baban si ku tameken ku babondu menahang. Tetap ibereken Tuhan kesempatan reh ndahi IA gelah kita dat kemalemen ate. Pakekenlah kesempatan e, ula sidarami dalam sideban si banci meneken kegeluhenta.

☞ Tuhan ndilo kita gelah si dat serpang pulah i bas perbeben geluhita.